



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1663. usque ad annum 1674

**Fleury, Claude**

**August. Vind. [u.a.], 1780**

**VD18 90119193**

§. 95. Carolus II. Angliæ Rex a Protestantibus indigne habitus ac vexatus.

---

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Ordinariorum in locis ipsis assignatis, Sæc. XVII.  
 simulque quasdam causas in Lusitana A. C. 1674.  
 Inquisitione pendentes ad Inquisitionem Romanam evocavit, eique obediri voluit: Denique conventionem a Carolo Emanuele Sabauda Duce anno Christi millesimo sexcentesimo tertio factam, qua Genevensibus quædam bona ad Cathedralē Ecclesiam spectantia cesserat, irritam, nullamque declaravit.

§. XCV.

*Carolus II. Angliæ Rex a Protestantibus indigne habitus ac vexatus.*

Alieni Imperii impatientia, & propriæ dominationis ambitus, quem Calviniana secta inspirat, sensim protestantes Anglos eo impulerat, ut infamem & feralem ludum, quo innoxium Caroli I. Regis sui sanguinem ante viginti quinque annos suo furori litabant, rursus instruere pararent: lidem omnino Senatores, qui paulo ante hosce parricidas publica execratione dignos censebant, nunc ipsimet eandem in Carolum II. fabulam cudebant, non alia ex culpa, nisi quod Rex magis humanus, & minus, quam exoptassent, crudelis in Catholicos fuerit: præprimis igitur in apertas querelas  
*Rapin Hist. d' Angl. l. 23. tom. 10. Salmon hist. Chron. d' Angl. t. I. p. 354.*

*Hist. Eccles. Tom. LXIII. Yy ad-*

Sæc. XVII. adversus Regem erumpunt. I. Quod  
A. C. 1674. Papismi incrementum sua auctoritate  
 foveret, II. cum Franciæ Rege amicitiam  
 Anglico Regno noxiam gereret. III. Temere bellum  
 contra Batavos profeceretur. IV. In Hibernia palam  
 pessumdatis edictis Catholicos protegeret. V. Proprio  
 arbitrio libertatem conscientiae indulgisset, & sine  
 necessitate milites præter classem conscripisset.  
 VI. Insuperhabita Parlamenti oppositione Eboracensis  
 Ducis matrimonium, & Religionis mutationem firmam,  
 ratamque haberet. VII. Cum Arlintono, Buckinghamo,  
 & Lauderdaleo, qui tamen despoticum imperium invehere  
 molirentur, sua conferret consilia. Jam dudum  
 Parlamentarii iniquo ferebant animo, quod Rex, ne  
 vivam duntaxat Regis Umbram & ridiculum simulacrum  
 præferret, sibi a secretioribus consiliis selegit, quibuscum  
 Regni curas partiri, sibiq; a perfidis æmulorum  
 machinationibus cavere posset: Hos ergo etiam cum dispendio  
 honoris & vitæ a Regis latere eripere, Parlamentum  
 in primis curis habuit, ac mortuo Clifordio, & Aslejo  
 ad populi partes pellecto, reliquos tres suo furori  
 immolare decrevit: unde Regem accessere, postulantes  
 ab eo, ut Lauderdaleum omnibus suis officiis exueret.

Sæc. XVII.  
A. C. 1674.

exueret, & perpetuo a sua præsentia  
& consiliis amoveret: postea adversus  
Buckinghamum undecim accusationum  
capita ac quæstiones proposuerunt, pa-  
riter Arlingtonum insuperhabita sui de-  
fensione in Senatu facta, nihilominus  
reum fecere aperti Catholicorum patro-  
cinii, & introductæ potestatis arbitra-  
riæ. Nec his contenti, etiam Regem  
urgebant, ut jam octavo edicto omnes  
Catholicos durante Parlamento ex Lon-  
dinenfi & Westmonasteriensi urbe ex-  
pelleret, jejunii diem per universum  
Regnum eo fine indiceret, ut Dei au-  
xilium contra Papismi molimina im-  
ploraretur: Præter hæc etiam postula-  
bant, ut Londinenses & Middlesexien-  
ses copias omnesque totius Regni mi-  
lites ad nutum paratos esse juberet,  
ut sese seditioni a Papistis & male con-  
tentis fors excitandæ opponerent, ac  
denique, cum antea pro illis duntaxat,  
qui quoddam officium præfarent, fi-  
dei juramentum præscripsisset, nunc  
promiscue ab omnibus & singulis se-  
quens juramentum præstari præcipe-  
ret: *Profiteor, testor, atque ex toto corde  
meo, in conspectu Dei omnipotentis declaro,  
me in conscientia mea non credere, quod  
Ecclesia Romana sit sola Ecclesia Christi  
Catholica, atque universalis, extra quam  
nulla salus, aut quod Papa ullam juris-*  
Yy 2 *dictio-*

Sæc. XVII. A. C. 1674. *dictionem vel supremam auctoritatem in Ec-*  
*clesiam Catholicam in genere, aut in ne*  
*in particulari habeat, aut quod soli Eccle-*  
*sie Romane competat judicare de sensu &*  
*interpretatione sacre Scripturae, aut quod*  
*in Sancto Eucharistice Sacramento perfecta*  
*fiat substantie panis & vini in Christi cor-*  
*pus transmutatio, quam præfata Ecclesia*  
*Romana TRANSSUBSTANTIATIO-*  
*NEM appellat: Nec etiam credo, quod*  
*Virgo Maria, aut alius quisunque Sanctus*  
*adorandus vel colendus sit, aut quod ad illos*  
*preces nostræ sint dirigendæ: Abjuro etiam,*  
*& abnego omnes præfatas doctrinas & ar-*  
*ticulos, tanquam falsos, erroneos, &*  
*Verbo Divino ac religioni contrarios. Tan-*  
*tas conscientiarum carnificinas nec ab*  
*ipsis etiam barbaris unquam in ultimis*  
*deductas Parlamentarii Regi præferre*  
*audebant, quem tamen ipsi accusarunt,*  
*quod Protestantium religionem abjurasset,*  
*ac Catholicæ religioni addictus in secreto Palatii sui Se-*  
*cello singulis diebus Divino Sacrificio*  
*interesset, necnon quandoque ibidem*  
*sacram Synaxin sumpsisset, cum tamen*  
*eadem die pariter in Protestantium Ec-*  
*clesia Calvinianum panem manduca-*  
*set. Præterea ut Regi suo, quem a*  
*Gallorum foedere abstrahere intenti e-*  
*terrent, non modo ad præcipitandam*  
*pacem*

pacem cum Hispanis & Batavis, sed etiam ad omnes milites ab Anno 1663. conscriptos, imo ipsos etiam Regios Equestres satellites suos exauſtorandos eundem adegerunt: cum vero Regem suum adhuc magis inermem, omnique armata ope destitutum desiderarent, insuper abrogarunt legem a Scotiæ Parlamento conditam, vi cujus Scotiæ exercitus *ex solo Scotici Parlamenti jussu* in Angliam vel Hiberniam movere tenebatur: Denique etiam in dubium vocabant, an Rex quempiam ex solo suo mandato custodiæ dare posset? Nulla nempe ingenia tam prona ad seditiones, in Reges suos movendas, quam quæ sub Religionis obtentu iniquas oppressiones, calumnias & violentias inferre, in religionem trahunt.

Sæc. XVII.  
A. C. 1674.

§. XCVI.

*Joannes Bona Cardinalis fatis fundus.*

Luxit hoc anno sacrum Purpuratorum Collegium, illustre Decus, Joannem Bona. Hic Monte Regali in Subalpinis Italiæ nobili genere natus, jam anno ætatis suæ decimo quinto celeberrimum Cisterciensium Ordinem ingressus, juventutem suam raro festinatoque virtutum omnium ac disciplinarum

*Old. in cont. Ciacon. Eggs Purp. dott. l. 6. Niceron t. 3. pag. 127. Dupin Bibl. des Auth. Siecl. XVII.*